

REHAB E MOUR KŌN TŌMAK

Köttōpar ko an katak in:

- Kwaļok bwe jej aolep nana im ekkar bwe jen mej.
- Kwaļok bwe Anij e jouj, im E kōṇaan lōmōṇren ro ri jerōwiwi.
- Kwaļok bwe lōmōṇ ej kōn tōmak wōt.
- Kwaļok bwe enaaj wor jermal ko reṇṇan ñe e jimwe tōmak an armej.

Melele ko relap ilo katak in:

- Jen lo bwe jej aolep ri jerōwiwi, im ekkar bwe jen mej.
- Jen lo bwe Anij e maroñ lōmōṇren jabdewōt armej, jekḍoṇ joñan aer nana.
- Jen lo bwe jej aikuj tōmak men ko Anij ej ba.
- Jen lo bwe lōmōṇren ej kōn jouj an Anij ñe jej tōmak E.

Kallimur Mokta e jab juon book in bwebwenato ko bajjek. Elōñ bwijen bwebwenato ko reṇṇan ainwōt bwebwenato ko kōn Noa, Moses, Devid im Koliaat, Gideon, Samson, im er ļok wōt. Bōtab melele eo eļap ilo Kallimur Mokta ej karōk eo an Anij ñan lōmōṇren armej. Aolep iien ñe jej read Kallimur Mokta jej lo maroñ eļap an Anij im ban eļap an armej. Jej lo jouj eļap an Anij im jab tiljek eļap an armej. Ke Jemes ear je book eo an, book in Jemes, ear kwaļok ruo wan joñak ñan kaṇool bwe juon tōmak e ṇool enaaj kwaļok jermal ko reṇṇan. Juon ej kōn Ebream im eo juon ej kōn Rehab. Kiiō jej katak kōn tōmak eo an Rehab.

1. Joshua ear pinej jenkwān Moses.

- Eṇōj an Anij kallimur bwe Enaaj leļok Āne in Kallimur ñan ro ri Israel.
- Raar jilkinļok 12 ri iaroñroñ bwe ren lale āne eo.
- Joñoul iaer raar ba bwe re ban anjō ioon ro ri āne ko kōnke er ineea.
- Ruo iaer, Keleb im Joshua, raar jab mijak. Raar ba bwe eṇōj an Anij leļok āneo ñan er.
- Armej ro raar tōmak eṇṇaan ro 10, im raar jab tōmak Anij.
- Kōn an Ri Ju ro jab tōmak Anij, Ear jab kōtļok bwe ren deļoñ ilo Āne in Kallimur.

Baibōl ej jiroñ kōj bwe tōmak ej kōn roñjake im roñjake ej kōn Naan in Ṁool. Aolep naan ko an Anij re ṇool. Ñe Ej ba bwe Enaaj watōk ad tōmak ainwōt wānōk, E jab riab. Kōn men in, jen tōmak. Ri Ju ro raar jab tōmak naan ko an Anij im raar jab jujen deļoñ ilo Āne in Kallimur.



Hibru 3:19 Im jej lo bwe raar ban deļoñ kōn aer jab tōmak.

Moses barāinwōt ear mej im jab deļoñ ilo āneo, kōnke ear jab koutiej im pokake Anij ke Anij ear ba bwe en kōnono ñan dekā eo bwe en waļok dān. Anij ear āninļok Moses ñan jabōn toļ Pisga bwe en lo āneo, ak Moses e mej ilo toļ eo.



Duteronomi 34:4, 5 Im Jeova ear ba ñan e, “Eñin āneo Iar kallimur kake ñan Ebream, ñan Aisak, im ñan Jakob im ba, ‘Inaaj leļok ñan ro ineōṇ.’ Iar kaalwōje eok kōn mejōṇ, a kwō jāmin eļļāļok ie.” Āindein Moses karijeran Jeova ear mej ijo, ilo āneen Moab, ekkar

ñan naan eo an Jeova.

Kōn an jako Moses, Anij ear kālōt Joshua bwe en tōl ro ri Israel im kadeļōñ er ilo āneo.



Joshua 1:1, 2 Innām ālikin an Moses eo karijeran Jeova mej, Jeova ear kōnono ñan Joshua, nejin Nōn, ri jipañ an Moses, im ba, “E mej Moses karijera; innām kwōn jutak im eļļā jān Jordan in, kwe im armej rein otemjej, ñan āne eo Ij leļok ñan er, aet, ro nejin Israel.”

Ke eṃōj an mej epepen eo e nana (ro me kar 20 aer year im rūttoļok ilo iien eo ke ri waate ro raar lale āneo), innām Joshua im aolep ri Ju ro me re mour wōt raar deļōñ. Meñe eṃōj an Anij kallimur bwe ri Ju ro renaaj anjo ioon armej ro in Kenan, e jab meļeļein bwe raar jab aikuļ tariņaeik er. Raar aikuļ tariņaeik kajjojo iaan bwij ko ilo Āne in Kallimur. Bōtab ejjeļok kajjitōk bwe renaaj wiin, kōnke eṃōj an Anij ba bwe renaaj wiin!

2. Ri Ju ro raar waate Jeriko.

Jikinkweilok eo moxtata im raar itok ñan ie ear Jeriko.



Joshua 2:1 Im Joshua nejin Nōn ear jilkinļok jān Shitim, ruo armej ri iaroñroñ ilo ettino im ba, “Koṃwin ilen wat āne eo, im eļaptata Jeriko.” Innām raar ilok im deļōñļok ilo iṃōn juon kōrā e kijoñ, etan Rehab, im babu ijo.

Meñe eṃōj an Anij kallimur bwe Enaaj leļok Jeriko ñan ri Ju ro, raar jilkinļok jet ri iaroñroñ ñan lale ewi joñan kajooren jar in tariņae an Jeriko. Re lak deļōñ ilowaan jikinkweilok eo, innām re kūttiliek ilo ṃweo iṃōn juon kōrā eo e kijoñ.

Etke raar deļōñ ilo ṃweo iṃōn juon kōrā eo e kijoñ? Āinwōt ad jeļā, e lukkuun ettoon kōrā eo e kijoñ. E nana jān kōrā ro jet. Innām etke Anij ear kōtļok bwe ri iaroñroñ ro raar deļōñ ñan ippān? Anij ear kōṇaan kwaļok juon wan joñak eṃṃan kōn wāween An loṃooren armej. Ear kōṇaan kwaļok An jouj eļap. Ear kōṇaan kwaļok bwe E wōt e maroñ loṃooren armej.



Ilo Kallimur Ekāāl jej lo bwe elōñ iien Jisōs ear loṃooren kōrā ro rettoon. Ear loṃooren:

- kōrā eo itūrun aebōj laļ
- kōrā eo e kijoñ me ear kapite neen
- kōrā eo me ear loñ, im Parisi raar bōk loķ e ñan Ippān bwe ren kade kōn dekā.

Jisōs ear kōṃṃan men in bwe En kwaļok ñan kōj bwe jej aolep nana joñan wōt juon kōrā eo e kijoñ. Ejjeļok ri jerowiwu e maroñ ba bwe eṃṃan loķ jān bar juon ri jerowiwu. Eļaññe eṃōj aṃ rupe kien Anij juon wōt katin, kwōn naaj eñtaan ilo Hell ippān armej eo me eṃōj an rupe kien Anij toujin katin.



Rom 3:22b, 23 ... bwe ejjeļok lijekļok; bwe otemjej raar jerowiwu im rej likjab jān aiboojoj an Anij.

Kwō lo ke naan in *kalijeklōk*? Anij e ban kalijeklōk kake kwe kōn an emman am tiljek jān bar juon armej. E ban ba, “Kwō wānōk jān juon kōrā e kijoñ kōnke emman lōk am jermal nān Eō.” Bwe? Baj kōnono lōk jidik eoon in. *Bwe otemjej raar jerōwiwi, im rej likjab jān aiboojoj an Anij.*

Anij e jab watōk ñe elap ak jidik wōt am likjab. Ej watōk bwe kwaar likjab. Ilo mool ejjelōk juon e maroñ ba bwe e dik wōt an jerōwiwi, ak e dik wōt an likjab. Jej aolep aikuje juon ri Lomōor kōnke kōj aolep ri nana.

3. Rehab ear tōmak ilo Jeova.



Joshua 2:9-11 Im ear ba ñan lōmaro, “I jelā bwe Jeova ear lewōj ñan kom ānin, im lōlñōñ kōn kom ear buñ ioom, im ro ri ānin otemjej rej ònłok iṃaami. [10] Bwe kōm ar roñ ekōjkan Jeova ear kapāātłok dān in Lomało e Būrōrō iṃaami, ke kom ar diwōjtok jān Ijpt, im ta eo kom ar kōṃṃan ñan kiiñ ro ruo an ri Amor, ro raar pād i Jordan jabuweo, ñan Saihon im ñan Og, ro kom ar tōrłok bok er. [11] Im ke emōj am roñjake, e mōkaj an būruōm ònłok, im ejjelōk peran ear pād wōt ilo jabdewōt armej kōn kom; bwe Jeova ami Anij, ej Anij ilo lōñ ko, im ioon lał iuṃwin.

Ta oktak eo kōtaan tōmak an Rehab im tōmak an ro ri Jeriko? Ilo an kōnono ñan ri iaroñroñ ro ear ba bwe e im ri Jeriko jimor raar lōlñōñ. E im ri Jeriko ro jimor raar roñ kōn wāween an ro ri Israel anjo ioon aelōñ ko jet.

Ewi kar tōmak eo an Rehab? Ekwe, ilo jinoin 9 eoon Rehab ear ba bwe ear jelā bwe Jeova ear lełok āneo ñan ro ri Israel. Kiiō lale jemłoken 11 eoon. Ej tōmak ta kōn Anij? *Bwe Jeova ami Anij, ej Anij ilo lañ ko, im ioon lał iuṃwin.* Ro ri Jeriko raar roñ ejja men kein wōt, ak raar jumae wōt. Raar roñ im lōlñōñ wōt. Rehab ear roñ im tōmak.



Hibru 11:31 Kōn tōmak kōrā ekijoñ eo etan Rehab, ear jab mej ippān ro raar kipiliia, ālikin an bōk ro ri aroñroñ ilo aenōṃṃan.

Ekkar ñan eoon in, ta eo ear lomōoren Rehab jān mej? Tōmak. Im ewi wāween an kar ri iaroñroñ ro jelā bwe Rehab ear tōmak Jeova? Ear jutak ke itūrin kōjām in mweo imōñ im lamōj im ba, “Ña juon ri tōmak kiiō, komwin bōk eō”? Ear jab ba jabdewōt ilo jinoin. Bōtab juon men ear kwałok bwe e ri tōmak.



Jemes 2:25 Im āindein Rehab, kōrā ekijoñ eo, jab barāinwōt kaṃool an wānōk kōn jermal ko, ke ear bōk ro rū jelōk im jilkinłok er ilo bar juon ial ke?

Eñin men eo im rū jelōk Jemes ej katakin armej ilo Jemes 2. Ñe e jeppet am tōmak, innām enaaj wałok jermal ko remman ilo mour eo am. Jermal ko am re jab kowānōk eok. Bōtab rej kwałok bwe emōj am tōmak.



Jemes 2:23 Im e jeppet jeje eo e ba, “Im Ebrean ear tōmak Anij, im emōj watōk e ñan e āinwōt wānōk,” im ṃa etan jeran Anij.


4. Kakōlle eo e būrōrō.

Mokta jän an ri iaroñroñ ro etal jän mōn Rehab im Jeriko, Rehab ear kajjitōk ippaer bwe ren jab man e im baamle eo an ñe ro ri Israel renaaj itok. Mweo imōn Rehab ear pād ilo worwor eo an Jeriko, im kōn men in, ear leļok ri iaroñroñ ro jän wüntō eo an kōn to e bürōrō. Raar kallimur ñan e bwe renaaj kōjparok e bwe en mour eļaññe ej likūt to eo ilo wüntō eo.



Joshua 2:18 Lo, ñe kōmij itok ñan ānin, kwōn lukwoj to in e bürōrō ilo wünto in, eo kwaar doorlallōk kōm kake, im kwōn kōkweilōktok ñan ippañ ilowaan mwiin jemōm im jinōm, im ro jemōm im jatōm im aolepen ro nukun jemōm.

To in e bürōrō ear juon kakōlle ñan ri Ju ro bwe ren jab man Rehab im baamle eo an. Ri Ju ro raar kapoole jikinkweilok in Jeriko juon katin aolep raan iumwin jiljino raan, innām jiljilimjuon katin ilo raan eo kein ka jiljilimjuon. Ke raar kōmman men in, worwor ko raar rōmlallōk. Ro ri Israel raar tariñae, im aolep armej in Jeriko, ijellōkūn wōt Rehab im baamle eo an, raar mej.



Kakōlle in ear lōmooren Rehab jän mej. Bar juon iien Anij ear kajerbal juon kakōlle bürōrō ñan lōmooren ri Ju ro jän mej. Ke Anij ear jilkinlōk enjel in mej bwe en man maanje ro nejin ri Ijpt, Ear ba *Im bōtōktōk eo enaaj juon kakōlle ioon mo ko ijo kom pād ie; im ñe Ij lo bōtōktōk eo Inaaj kājooon e kom Exodus 12:13.*

Juon wōt men e maroñ lōmooren kōj jän jerōwiwi im mej. Bōtōktōken Irooj Jisōs Kraist.



Hibru 9:22 Im ilo kien eo rej karreo kōn bōtōktōk men ko otemjelōk, im eļaññe ejjelōk katōrōlōk bōtōktōk innām ejjelōk jeorlōk.

Rehab ear mour kōn an tōmak Jeova Anij im kajoor eo An. An tōmak ear kammakūt e bwe en jermal im jipañ ri iaroñroñ ro. En jab bōd ad meļeļe. Jej ri nana joñan wōt Rehab. Ejjelōk ad maroñ make kawānōk kōj.



Taitus 3:5 Jab kōn jermal ko reñman jaar kōmanmani, a ilo An tūriamokake Ear lōmoored, kōn kwaļkoļ in bar lotak, im kōn an Jetōb Kwōjarjar kōkāl kōj.

Kajjitōk ko

1. Wōn ear pinej jenkwān Moses ke ear mej?
2. Etan ri iaroñroñ ro me raar tōmak Anij?
3. Kain rot kōrā eo me ri iaroñroñ ro raar deļoñ ippān?
4. Ewor ke jabdewōt im e dik an jerōwiwi.
5. Etan kōrā eo me ear ñooji ri iaroñroñ ro?
6. Etkē ear nooje er?
7. Ewi wāween an kar Rehab kwaļok an tōmak?

8. Jerbal ko aṃ reṃṃan renaaj ke kowānōk eok imaan mejān Anij?
9. Innām kein ta jermal ko reṃṃan?
10. Ta kakōļle eo im Rehab ear kajerbal e?
11. To in e būrōrō ej jutak kōn ta?

